



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Apodixes, Sive Demonstrationes Tres Horrendarvm
Blasphemiarvm Ecclesiae A Calvino Reformatae, Circa
tres primos Symboli Catholici Articulos**

Bosendorf, Hermann

Monasterii VVestphaliae, 1608

De Deitate Christi Caluinistici. Thesis Dvodecima.

urn:nbn:de:hbz:466:1-35415

200 APOD. II. CHRISTVM CALVIN.
DE DEITATE CHRISTI
Caluinistici.

THESES DVODECIMA.

FILIVM EIVS VNICVM. Credo pro filio
privignum aut reum quempiam expectas; quando-
quidem Pater iam antè degenerauit in Vitricum &
Carnificem. Certè Deus verè non est, qui Patri aqua-
lis non est. At Caluino Pater κατ' ἔξοχην & per ex-
cellentiam præ filio, contra Gentilem in re-
fut. prothesis 10. & Instit. lib. I. c. 13. §. 23. in scri-
pturis Deus est. Pater primum; Filius secundum à pa-
tre obtinet imperij & honoris locum. Spiritus S. ter-
tium. Caluin in cap. 22. Matth. v. 44. & in c. 26.
v. 64. Pater prima vita causa est & primus gradus;
Filius secunda; Spiritus S. tertia. Caluin. in cap. 6.
Ioan. v. 57. & Marc. 13. Est Patris Vicarius in c. 22.
& 26. Matthæi: Minister, Calu. in cap. 17. Ioan.
& Secretarius intimus. in cap. I. Ioan. illo minor se-
cundum diuinitatem. Quanquam enim ab anti-
quis, ait in admonit. ad Polon. sententia Chri-
stii: Pater maior me est, restricta fuit ad huma-
nam eius naturam: Ego tamen non dubito ad
totum complexum (humanam scilicet & diuinam
naturam) extendere. Dicere Filium Deum de Deo,
prout sancta Synodus Nicœna, est καταχρησις in
synod. Lausan. & durè, & periculose, & im-
propriè loqui. Danæus contra Genebrardum.
Quid ita? quia precariam tunc à Patre haberet Dei-
tatem contra Gentil. perfidiam. Haud aliter: ac
si quia

si quia Pater dedit vitam Filio. Joan. 5. itemq; personam, ideo vitam personamq; mendicato obtineat filius; & non verius sit, per omnem generationem, naturalam, essentiamq; communicari genito.

CAPVT X.

*ChristumCaluinisticum non esse Dei Filium
verumq; Deum.*

ET si planus sit totus discursus in decursu duodecimæ thesis explicatus, nec magnopere noua defensione indigeat, quod tamē Prædicans omnia è Caluino citata loca interpretari conetur à §. 50. ad 60. usque disp. 2. de Filio Dei, quā Mediatoris personam sustinet, retexemus pleraq; & ad Filium Dei, qua Deus est applicabimus. Hæc igitur in thesi posita est ratiocinatio: Prima verus & vnicus Filius Dei æqualis est patri secundum diuinitatem, gloriam, & maiestatem. *Qualis enim Pater, talis filius, talis Spiritus sanctus.* Et in hac Trinitate nihil principale, prius aut posterius, nihil maius aut minus, sed totæ tres persona coæternæ sibi sunt & coæquales, ut ait B. Athanasius. At vero Christus caluinistorum Caluini non est æqualis Patri secundum diuinitatem, Christus gloriam & maiestatem. Non igitur est verus & vniuersitus Dei Filius, sed priuignus ut ait thesis. Minor confirmatur multipliciter pri-
mò, ubi reperitur vnius præ altero excellen-
tia præstantiaque in diuinitate, ibi nō est vera 1. Minoris.

N S & per-